

«RO'YXATDAN O'TGAN»
 raqam 18
 sana 12.02.2026
 «Ipak yo'li» AITBning
 metodologiya bo'limi
Obidxona V.V.
 Imzo Brexit

«Ipak Yo'li» AITB
 Boshqaruvi tomonidan
 «Tasdiqlangan»

Boshqaruv Raisi

S.S.Saydahmedov

2026 yil 12 fevraldagi Bayonnoma

«TREND MOTOR» kredit mahsuloti Pasporti (Yangi tahrirda)



1. «TREND MOTOR» kredit mahsuloti Pasporti (Yangi tahrirda) (keyingi o'rinlarda matnda Pasport deb yuritiladi) «Ipak Yo'li» AITBankining (keyingi o'rinlarda matnda Bank deb yuritiladi) Kredit siyosatiga, Bankda kreditlash tartib-taomillarini tartibga soluvchi boshqa ichki me'yoriy hujjatlarga (keyingi o'rinlarda matnda IMH deb yuritiladi) muvofiq ishlab chiqilgan bo'lib, «TREND PREMIUM MOTORS» MChJ va «ELIT AVTO ALLIANCE» MChJ rasmiy dilerlari tomonidan taqdim etiladigan quyidagi avtomobil markalarini (birlamchi bozor) xarid qilish uchun kredit mablag'larini ma'qullash va berish shartlarini belgilaydi:

- Zeekr;
- AION,
- AITO;
- Leapmotor;
- MG;
- Voyah.

2. Kreditlash jarayoni Bankning korporativ kreditlash bo'linmalari hamda mikro, kichik va o'rta biznesni kreditlash bo'linmalari tomonidan tashabbus qilinadi, arizalarni tasdiqlash (kredit berish va/yoki rad etishni) esa IMHda belgilangan vakolatlarga muvofiq kollegial organlar tomonidan amalga oshiriladi.

3. Ushbu Pasportda qo'llaniladigan bosh harf bilan yozilgan atamalar, agar kontekstda boshqacha holat nazarda tutilmagan bo'lsa, IMHda belgilangan.

4. Ariza quyida belgilangan shartlarga mos kelmagan taqdirda, Mijozga Kredit berish rad etiladi.

5. Kredit tadbirkorlik faoliyati subyektlariga taqdim etiladi.

6. Kredit berish shartlari:

• Kredit maqsadi – «TREND PREMIUM MOTORS» MChJ va «ELIT AVTO ALLIANCE» MChJ rasmiy dilerlari tomonidan taqdim etiladigan avtotransport vositalarini (Zeekr, AION, AITO, Leapmotor, MG, Voyah) sotib olish uchun yakka tartibdagi tadbirkorlar va yuridik shaxslarga avtokreditlar ajratish;

• Valyuta – Kredit milliy valyutada (o'zbek so'mi) taqdim etiladi;

• Kredit mablag'lari – sotuvchining hisob-kitob raqamiga pul mablag'larini o'tkazish yo'li bilan naqdsiz shaklda taqdim etiladi;

• Bir qarz oluvchi uchun Kreditning maksimal miqdori – Ariza qabul qilingan sanadagi milliy valyuta (O'zbekiston so'mi) ekvivalentida 100 000 (bir yuz ming) AQSh dollarigacha miqdorda belgilanadi;

• Muddati – 60 (oltmish) oygacha;

• Asosiy qarz bo'yicha imtiyozli davr – 6 (olti) oydan oshmagan holda;

• Kredit bo'yicha foiz stavkasi va ta'minoti – quyida keltirilgan shartlarga muvofiq belgilanadi:

Moliyalashtirish shartlari:

Boshlang'ich to'lov

30 foizdan boshlab

Kredit bo'yicha foiz stavkasi:	
- Kredit muddati 12 (o'n ikki) oygacha	yillik 20 foiz
- Kredit muddati 12 (o'n ikki) oydan ortiq 36 (o'ttiz olti) oygacha	yillik 21 foiz
- Kredit muddati 36 (o'ttiz olti) oydan ortiq 60 (oltmish) oygacha	yillik 22 foiz
Kredit ta'minoti:	Garov: a. ko'chmas mulk, transport vositalari, pul mablag'lari, zargarlik buyumlari; Bunda quyidagi garov predmetlari yig'indisining garov qiymati kredit ta'minoti tarkibida 80 foizdan kam bo'lmashligi lozim: • ko'chmas mulk; • sotib olinayotgan avtotransport vositasi va boshqa transport vositalari; • pul mablag'lari, zargarlik buyumlari, O'zbekiston Respublikasi Markaziy bankining oltin o'lchov quymalari va oltin tangalarining garovi. b. uskunalar (kredit ta'minoti tarkibida 20 foizdan oshmagan holda); v. kreditni qaytarmaslik xavfidan sug'urta polisi (kredit ta'minoti tarkibida 20 foizdan oshmagan holda); g. muomaladagi tovarlar (tovar tannarxining 50 foizi, biroq kredit ta'minoti tarkibida 20 foizdan oshmagan holda); d. barqaror pul oqimlariga va mustahkam moliyaviy holatga ega bo'lgan uchinchi shaxsning kafilligi (kredit ta'minoti tarkibida 20 foizdan oshmagan holda). Bunda b), v), g) va d) bandlarda ko'rsatilgan ta'minot turlarining umumiy qiymati kredit ta'minoti tarkibida 20 foizdan oshmasligi lozim. Sotib olinayotgan avtotransport vositasi Kredit ta'minoti sifatida belgilangan tartibda rasmiylashtirilgunga qadar quyidagi qo'shimcha ta'minotlar taqdim etilishi shart: • barqaror pul oqimlariga hamda mustahkam moliyaviy holatga ega bo'lgan uchinchi shaxsning kafilligi; • Kreditning qaytarilmaslik xavfidan sug'urtalash polisi.

7. Ushbu Pasport doirasida Kreditlar bo'yicha aktiv operatsiyalar AITB "Ipak Yo'li" Kredit qo'mitasi, kichik, o'rta va mikro moliyalashtirish bo'yicha Kredit qo'mitasi hamda andarrayterlar tomonidan IMHda belgilangan limitlar va vakolatlar doirasida tasdiqlangandan so'ng amalga oshiriladi.

8. Ushbu Pasportda belgilangan shartlardan oshuvchi Kreditlar bo'yicha aktiv operatsiyalar Bankning Kredit siyosatiga muvofiq tegishli kollegial organ tomonidan tasdiqlangandan so'ng amalga oshiriladi.

9. Kredit mutaxassisi tashrifi natijalari bo'yicha amaldagi IMHga muvofiq Qarz oluvchining biznesi tahlil qilinadi. Mazkur tahlil asosida ko'rib chiqilayotgan Kreditni qaytarish bo'yicha Qarz oluvchining kreditga layoqatliliqi aniqlanadi.

Kiritildi:

Mikro, kichik va o'rta biznesni rivojlantirish boshqarmasi boshlig'i

 S.A. Ergashev

Kelishildi:

Boshqaruv Raisining o'rinbosari



F.A. Iskhakov

Moliyaviy blok rahbari o'rinbosari




K.A. Gaziyeva

Mikro, kichik va o'rta biznes
departamenti boshlig'i



N.M. Abdigafforov

Korporativ biznes
departamenti boshlig'i v.b.



K.M. Saliev

Yuridik boshqarma
boshlig'i vazifasini bajaruvchi




Sh.Sh. Inoyatov

Kredit risk-menejmenti
boshqarmasi boshlig'i



M.A. Xaydarov

Metodologiya bo'limi boshlig'i



M.M. Sidikova